

Poldi Taitusdok pepa youlimiñguk **Yodakale Mede**

Taitus adi Judahi'walañ feknit mokitneniñ ala adi Kilisto Jesu'walañ gawañbop tomboyoukuk. Tiňa Pol tubulodaan Wapum'walañ Mede Momooñ nongoñ yohauta yaugumuk. Ala mindankade Taitus adi Kilit uňoñ hati kwanai tuguk doktiňa Poldi Taitus pepa i youlimiňa gawañbop undihi maaneň talitimeň kwanai dediň titiňdok wendok nindakaleguk. Tiňa undugoñ gawañbop wendok maaneň metam gawadahi, eñ metam kuya eñ metam tipilapilaye kwanai tuwanit mokit hati-tagin doktiňa Wapum'walañ Mede Momooñ u tuwolithik gineň tiulidokoň yenihau-taluwaakdok youlimiñguk. Mindan adi Taitusdi gawañbopriye yenindokoune tosiwe be mik-kwadi wabiňa menot tiňa welekubugoñ gineň hatiyaneenđok youlimiñguk.

Yodakale eñ yokahaň mede

¹ Nu Pol, nu Bepaň'walañ tipilapilaye-menij, eñ Jesu Kilisto'walañ Aposelňiñ. Nu yadi negoñ nehitubu-dakaleen metam netok gigit yoňa yabukahileguk heki'walañ nadisukilitihik tubukilityemdok, eñ mede biyagoñ hinek u nadidakaleen Bepaň'walañ titiňnij hogok takaliyaneeňdok yoňa nanindapmaaň naniňkukuk.

² Nu yehitubu-lodawene nadisukiliti fafanęj tiŋa Bepaŋdi hatihati dapmandapmaŋnit mokit yembaak wendok woomhatiyaneę yonę fafanę kwanai tilat. Bepaŋ yalaŋ mu yolak adi koomkwaha nemek nemu tububihila kamenjila hatihati u agarę nimdok yofafanęguk.

³ Tiŋa mindaŋ ne nai nadigukneę tuwot medeňeň u yohautaune Bepaŋ Tubulodanikdi nu yotubuhautawit yonę nanindapmaguk.

⁴ Tatus, pepa yonę adi dutok youkamulat. Du adi mihine hinek, tiŋa undugonę nadisukilitige adi indi'walaŋdok tuwolit hinek. Baŋ Bepaŋ eŋ Tubulodanik Kilisto Jesu adi'walaŋ silon tobogonę eŋ kulemadi dugut haliwoonę halaak.

Gawanębop kadokome diniŋ mede

⁵ Kwanai dikidiki mu didimehinakaguk u tubudimedok, tiŋa koom ganiŋgut unduŋ yokwet wapuhineę kayoňbop haliwiň indigoň tuwot metalitimenę yapmetawaanę, unduŋ yonę Kilit kwet kambanęgit* luhinenę ungoň gapmegut.

⁶ Me, metam namandahik foloň yomnit mokit hatiň, eŋ tamhik kubugonę hogok, eŋ wapmihihiye adi Kilisto nadisukilitimiň, tiŋa adi metam namandahik foloň kadakanę mu tiň eŋ foko tiŋa mehim-behiye'walaŋ mede wobu mu tiň, me undihi yabuňa yapmewaaň.

⁷ Du a nadilanę, me kayoňbop kadoko tilak adi yadi Bepaŋ'walaŋ kwanai tilak. Unduŋ doktiňa metamdi kaune me didimeň eŋ yomnit mokit tuluwaak. Tiŋa undugonę adi wouigitnit

* **1:5:** Kilit kwet kambanęgit u kwet welewele pepa hapmuŋ 268 foloň kawenę.

yonja metam kaka mu yabudokoluwaak, eŋ kwi-hita pilap mu tuluwaak, eŋ ime fafaŋenij naaŋ nadibubuye mu tuluwaak, tiŋa undugoŋ metam kaka widihifit mu tuluwaak, eŋ muneenj bomboŋ fee moŋgotdok mu nadiluwaak. Mokoŋ.

⁸ Adi yadi metam yohineŋ buune momooŋ tiyemuluwaak. Eŋ adi yadi titiŋ momohi hogok yabukahileeŋ nadinadi momohi u hogok takaliliwaak. Adi yadi titiŋ didimehi hogok takalinja Bepaŋ'walaŋ titiŋ hogohogok u tuluwaak. Tiŋa ne'walaŋ hatihatiŋj u momoongoŋ kadokoluwaak.

⁹ Tiŋa undugoŋ adi mede biyagoŋ hinek dibek nintubuditidimegiŋ u hogok honefafaŋeeŋ hatiluwaak. Ala wendoktiŋa metam mede biyagoŋ hinek hogohogok u kedem yenindidimeune nadisukilitineeŋ, kaŋ wendi welehik youlune mede u kedem takalineeŋ. Tiŋa undugoŋ me Mede Momooŋ dobu-uyat titiŋ heki u mede fafaŋengoŋ yenimbune yomhik u kedem kaŋ nadidakaleneenj.

Metam feedi noli'walaŋ nadisukiliti tubukadak-aginj

¹⁰ Uŋoŋ adi metam feedi mede kelekelehinit eŋ mede hogohi foloonhinit mokit yoyo titiŋ eŋ tikamandahinitdi hatiŋ. Judahi me undihi feedi kayoŋbop maanerŋ uŋgoŋ hatiŋ.

¹¹ Me heki woŋ adi titiŋ kadakahi tiŋila metam'walaŋ muneenj bomboŋhik moŋgotdok titiŋ, unduŋ tiŋale titiŋ hogohi undihi mu titiŋdok u yenindidimeinj. Talik unduŋ gineŋ metam fee eŋ memalam eŋ wapmihihiyen bop niŋ hatiŋ

adi'walaŋ nadisukilitihik tubukadakayemiŋ. Wendoktiŋa du yenihep tubune adi mede undihi mu yoyaneen.

¹² Koom Kilitniŋ nadinadime niŋdi indiŋ yoguk, "Metam Kilithi adi yalanŋ-metam. Adi yadi kale moin nabugon me hogohi hinek. Adi yadi nananje gibitaŋ natokiŋa gweheye bilintelet ti-hatidok hogok nadiiŋ."

¹³ Mede yon adi biyagon hinek. Undun doktiŋa titiŋhik tubudidimeen Bepaŋ nadisukiliti hinek timineenđok du medefafajeninŋoŋ yeniluwaan.

¹⁴ Kaŋ adi Judahi'walaŋ molodagi eŋ kahat komihi wendok magi kametnadi mu taneen, tiŋa undugon me mede biyagon hinek sigilulum timiiŋ heki'walaŋ yodoko medehik u mu keleyaneen.

¹⁵ Welehik walaniŋ hatiŋ adi yadi nemenemek hogohogokdok nadiune geŋgeŋhinit mokit tilak. Eŋ kadakanidi welehik tubugeŋeŋ tubune nadisukilitihinit mokit tigŋiŋ hatiŋ, adi yadi nadinadihik eŋ welehik wanakaŋ geŋgeŋhinit tubudapmagin doktiŋa nemek niŋdok nadiune walaniŋ nemu tilak.

¹⁶ Adi mahikdi Bepaŋ agaŋ nadimiyam, undun yoŋ. Ingoŋ oŋ, titiŋhikdi Bepaŋ agaŋ sigilulum timiŋgiŋ undun yobihitak. Adi yadi me mede kelekelehinit doktiŋa adi nemek titiŋ kedem niŋ tineenđok tuwot moŋ. Titiŋhik adi madimadikenŋoŋ.

2

Metam kilitihi adi titiŋ didimehi titiŋdok

yeniŋguk

¹ Du yadi Bepan'walaŋ mede hogohogokdi titiŋ dedihi keledok yolak u metam yenindidimeune nadiyaneen.

² Du me agaŋ kiliti tiiŋ heki u ime fafanęŋ naaŋ nadibubuye mu titiŋdok yenimbaaŋ. Adi yadi titiŋ dediŋ taneen u didimenęŋ hinek nadiŋa nadinadi momohi hogok takaliŋa tiyaneeen. Adi yadi Bepan'walaŋ mede biyagon hinek u momoonęŋ hinek nadisukilityaneen, tiŋa undugon̄ metam noli welehilid yabukahile tiyaneeen, eŋ malabumun gineŋ fafanęŋ yali malabumun beemdok u maan̄ nadiyaneen.

³ Tiŋa undugon̄, du tam kiliti tiiŋ heki maan̄ Bepan̄di hatihati didimeniŋ hatidok nadilak u undugon̄ yenimbune hatiyaneen. Tiŋa adi metam noli yenimpekit mu tiyaneeen. Eŋ adi wain imedi nadinadikhik mu kadokoluwaak. Adi yadi metam nolidi titiŋ momohi titiŋdok yenindidimeyaneen.

⁴ Unduŋ tubune tam kuya yohohiyehinitdi yohohiye tiŋa wapmihiiye yabukahile hinek titiŋdok titiŋ u nadidakale tineen.

⁵ Eŋ nadinadikhik momoonęŋ hinek kadokoŋ Bepan̄ dawineŋ walaniŋ hinek hatineen. Tiŋa undugon̄ yohik momoonęŋ kaututumedok titiŋ u nadineen, eŋ yohohiye tiŋa wapmihiiye titiŋ fofoŋ tiyemduk, eŋ yohohiye'walaŋ hebehik gineŋ hatidok u nadineen. Adi titiŋ unduŋ nobu tineen adi metam nolidi Bepan̄'walaŋ medenięŋ u tuwot mu yotubukadakaneen.

*Tatusdi mekuya hekidok talitimeŋ momooŋ
tiyembekdok niŋguk*

6 Mekuyahi maan undugon yenindakaleune adi maan undugon titihik momoongoj kaulidokoy-aneej.

7 Nemenemek hogohogok tuluwaanjenej, ujoj da maan titi momohi hogok tuluwaan. Unduŋ tubune metamdi da'walaŋ titinge uŋakon yabuŋa yehikeleyaneen. Du metam yenindidime kwanai tinjale mede foloŋnit yenilaŋ nadikan baigon hinek yenintitjeneŋeluwaan.

8 Du mede didimeniŋ hogok yenimbaan woj, metamdi malabumuŋ ujoj nemu tubuminta-neen. Kaŋ memikniye adi maan medehaki tu-wot mu nininetiŋit. Mokoŋ. Adi yadi toboniŋ nehi'walaŋ nadinadahik kadakahidok meka ti-neen.

Tipilapilaye me adi mede tiloloŋhinit hatidok yoguk

9 Du tipilapilaye-me heki yenimbune bombongihiye gikiŋgoj tiyemiŋa hebehik gineŋ hatiyaneen, tiŋa bombongihiyedi kwanai kaune utumba titindok taneen. Adi yadi me bombongihiye mede toboniŋ mu tubu-udaneyemaneen.

10 Unduŋ tiŋa bombongihiye'walaŋ bomboŋ kubo mu moŋgokaneen. Mokoŋ. Adi yadi bomboŋgihiye'walaŋ medehik momoongoj hinek takaliune me bombongihiyedi titihik wendok nadifo tiyemaneen. Unduŋ tiŋa nemenemek hogohogok taneen u tipilapilaye-me hekidi metam yehitubu-lodaune Bepan Tubulodanik'walaŋ medeninj yohautayam u wouigitnit tibaak.

Bepanji siloŋ tobogoŋ tinimiŋa ninindidimelak

¹¹ Indi a nadiyam. Bepanj'walaŋ siloŋ tobogoŋ u miŋgilanjoŋ agaŋ mintaguk. Kaŋ wendigoŋ metam hogohogok kotigoŋ kedem yanagitak.

¹² Bepanji siloŋ tobogoŋ tinimiŋa indi adi'walaŋ titiŋŋiŋ takaliŋa kwetfoloŋ metam lekiŋgoŋhik gineŋ nadididime tiŋale didimenjoŋ hatidok ninintitijenelak. Tiŋa undugon kwetfoloŋ diniŋ nadigalika mongola Bepan sigilulum mu timindok maanj nininihitubudidimelak.

¹³ Untubu Jesu Kilisto'walaŋ nai wondok baigoŋ nadikunakunaleen woom-hatiyam. Biyagoŋ kuyoŋ, adi Tubulodanik eŋ Bepan Wapumnikdi saŋiniŋnit eŋ hauanit miŋgilanjoŋ mintadakaleen kahaŋ tinimbune kaneem yoŋa nadifo tiŋa woom-hatiyam.

¹⁴ Kilisto adi metam kotigoŋ ninigila kadakanijnik hogohogok tumolokutnimdok nadiŋa ne'walaŋ hatihatiŋŋiŋ bikabuguk. Eŋ indi walandaan ne'walaŋ metamŋiye hatiŋa titiŋ momohi hogohogok u fafaŋe tiŋa titiŋdok yoŋa unduŋ tuguk.

¹⁵ Du helemahelemanj metam mede i yeniluwaan. Tiŋa mede u takalidok yenimpilapi-laye tuluwaan. Du adi me mede kelekele tiŋ heki adi titiŋhik tubudidimedok mede saŋiniŋnit hinek yeniluwaan. Eŋ du biyabune nebek niŋdi du'walaŋ medege u nadiune fofonjnit adi mu tibaak.

Bepanji titiñ momooñ tiña kadakaniñ gineniñ ninigikuk

¹ Du adi'walañ nadinadiahik tubukaikaune mapme be gapman, eñ me lolonhinit gikiñgoñ tiyemiñä medehik tagimneyaneñ. Unduñ tiña kwanai momohi mebimebi hakiinj u lodaan taneeñ.

² Unduñ tiña metam noli yenimpekit mu tiyaneeñ, be tosiwe maañ mu taneeñ. Helemahelemañ adi kulemangoñ hatiñä metam wanañ titiñ momohi hogok tiyemaneñ.

³ Da-ku agañ nadilañ, indi maañ koom nadinadinikdi didimenj mu halune mede wobu tagumun. Sadanji nininjcamanda tubune indi Bepanj'walañ talii mu kelegumun. Woñ adi siloda mebimebi diniñ tipilapilaye-menij eñ foloonik diniñ nadigalika gineñ hatiyagumun. Tiña undugoñ indi koom me noli'walañ nemenemek u yabusilodañ kikakwihiita tagumun. Unduñ tiña me nolidi memik tinimbune indi maañ undugoñ kibibo memik tiyemagumun.

⁴ Ingõñ Bepanj Tubulodanik adi nibukahile hinek tiña siloñ tobogoñ tinimiñä titiñ momooñ hinek tinimilak. Titinjñiñ u miñgilanjoñ mintadakaleguk

⁵ nai uñjaninj adi kotigoñ ninigikuk. Adi inde'walañ titiñnik didimenij doktiñä mu ninigikuk. Mokoñ. Adi ne'niñ welebulaniñgoñjij doktiñä kotigoñ ninigikuk. Adi nihiyoutela nihitubu-kaikaune kobuli mintagumun, kañ Uñgoniñ Munabulidi hatihatí kobuli nimguk.

⁶ Jesu Kilisto Tubuloda menik'walañ kwanaiñj

diniŋ folooŋ Bepaŋdi Uŋgoniŋ Munabuli gibitan
kwatnenimilak.

⁷ Kilistodi silon tobogon̄ tinimbune Bepaŋ na-
manda foloŋ indi metam didimehi mintayam.
Indi hatihati dapmandapmaŋnit mokit u kahile-
dok Bepaŋdi nibukahileen̄ unduŋ tilak. Hatihati
u indi dibek nadikunakunaleen̄ woomhatiyam
uŋjakoŋ.

⁸ Mede i biyagon̄ hinek. Unduŋ doktiŋa
du nemenemek wendok saŋiniŋnit hinek
yohautawenj̄dok nadilat. Unduŋ tubune metam
Bepaŋ nadisukilitimiŋ heki adi titiŋ fofoon̄ u
gigine tiŋa taneen̄. Titin̄ undihi u momooŋ hinek,
doktiŋa metam wanakan̄ yehitubu-lodalak.

⁹ Unduŋ tiŋa me tokwhita eŋ tosiwe tiŋ
eŋ papahiye eŋ dadahiye wohiye kinalu labu-
lak eŋ Moses'walaŋ Yodoko Mede gineŋ mede
hakiŋ diniŋ mede mebidok siwe tihatiaŋ, du me
undihi'walaŋ mede kaulehi wendok magi kamet-
nadi mu tiluwaan̄. Indi a nadiyam, mede hogohi
hogohi undihidi titiŋ momohi takalidokneŋkade
nemu nihitubu-lodaiŋ.

¹⁰ Me niŋ kayoŋbop ulitawadok titiŋ tubune
kaŋ du me u nadinadinjiŋ tubudidimedok mede
niluwaan̄. Du nai kubugon̄ be nai lufomuk
wendok tuwot unduŋ tiŋa kaluwaan̄, adi mede
mu nadiune kaŋ bikabudapmaŋ sigilulum tim-
iliwaan̄.

¹¹ Da-ku a nadilaŋ, me undihi adi talik fo-
foon̄ bikabuŋa kadakanjiŋ titiŋme mintalak. Kaŋ
ne'walaŋ kadakanjiŋ wendigoŋ mede gineŋ
kambiyatak.

Yodapmaj eŋ yokahan

¹² Nu Atemas be Tikikus niŋkulene du'walaŋ uŋoŋ busuwaune kaŋ pilap buŋa Nikopoli yok-wetneŋ uŋoŋ nehitubu-mintawaan. Nu gwi sububa nai gineŋ yokwet uŋoŋ hatidok nadilat.

¹³ Metam'walaŋ yodoko mede diniŋ nadinadime Senas eŋ Apolo adi momooŋgoŋ hinek yabudokowaan. Du nemenemek tali uuŋdok mongo udemeek u yehitubu-lodaan yembaan. Unduŋ tibaan kaŋ talik udemeekneŋ uŋoŋ nemek niŋdok baniŋ nemu tidemeek.

¹⁴ Indi'walaŋ metam adi kwanai momooŋ titiŋdok lodaloda tiŋa nadineen. Unduŋ tiŋa metam nemenemekdok baniŋ tiŋ u yehitubu-lodadok. Tigene kayoŋbop heki adi hogok hatiŋa Bepaŋ'walaŋ titiŋŋiŋ mu takalŋa tineeneŋ.

¹⁵ Metam hogohogok nukut hatiŋ adi you-tumba mede kamegamiŋ. Ale dubo indi'walaŋ youtumba medenik i metam Jesu nadisukilitimiŋa indi nibukahile tiŋ adi hekidok yenimben. Bepaŋ'walaŋ siloŋ tobogoŋdi hidut wanaŋ halaak.

**Bepanj'Walaj Folofolok Kobuli
Genesis, Exodus, Psalms, and the New Testament in
the Numanggang Language of Papua New Guinea
Sampela hap Buk Baibel long tokples Numanggang**

copyright © 2005 Wycliffe Bible Translators, Inc.

Language: Numangaŋ (Numanggang)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-08-30

PDF generated using Haiola and XeLaTeX on 28 Dec 2024 from source files dated 31 Aug 2023

217908e9-ce08-5ac3-9947-124c48579a74